



O D L U K A
o utvrđivanju i načinu dodjele nagrade Slovo Makovo/Mak Dizdar

Predlagač: Gradonačelnik
Obrađivač: Gradska služba za obrazovanje,
kulturu i sport

Sarajevo, juli 2012. godine

Na osnovu člana 26. stav 1. tačka 2., te u vezi sa tačkom 18. istog člana Statuta Grada Sarajeva ("Službene novine Kantona Sarajevo", broj 34/08 – prečišćeni tekst), Gradsko vijeće Grada Sarajeva, na sjednici od __.__.2012. godine, donosi:

ODLUKU
o utvrđivanju i načinu dodjele nagrade
Slovo Makovo/ Mak Dizdar

Član 1.

Ovom Odlukom Gradsko vijeće Grada Sarajeva utvrđuje nagradu Slovo Makovo/ Mak Dizdar, (u daljem tekstu: Nagrada), kao međunarodnu godišnju nagradu koja se dodjeljuje najboljem kandidatu, za najbolje poetsko djelo objavljeno u prethodnoj godini na bosanskom, crnogorskom, hrvatskom ili srpskom jeziku.

Član 2.

Nagrada se dodjeljuje se u obliku diplome i skulpturalnog simbola, uz novčanu nagradu u iznosu od 7.000,00 KM.

Član 3.

Nagradu dodjeljuje Grad Sarajevo u suradnji sa Fondacijom Mak Dizdar, Udruženjem Društva pisaca u Bosni i Hercegovini i Fondacijom PEN Centra Bosne i Hercegovine.

Član 4.

Gradonačelnik Grada Sarajeva, odlukom obrazuje Odbor za dodjelu Nagrade (u daljem tekstu: Odbor).

Odbor iz stava 1. ovog člana ima šest članova, a čine ga tri predstavnika Grada Sarajeva i po jedan predstavnik Fondacije Mak Dizdar, Udruženja Društva pisaca u Bosni i Hercegovini i Fondacije PEN Centra Bosne i Hercegovine.

Član 5.

Odbor iz prethodnog člana ove odluke, na prvoj sjednici, donosi Pravilnik o radu, kojim se uređuje način rada Odbora, te se istim reguliše raspisivanje javnog konkursa, vrednovanje radova, glasanje, donošenje konačnog prijedloga o dodjeli Nagrade, izgled Nagrade, kao i druga pitanja od značaja za rad Odbora.

Član 6.

Odbor podnosi izvještaj o svom radu gradonačelniku Grada Sarajeva.

Izvještaj iz stava 1. ovog člana, sadrži prijedlog kandidata za dodjelu Nagrade.

O dodjeljivanju Nagrade odlučuje gradonačelnik Grada Sarajeva.

Član 7.

Ceremoniju dodjele Nagrade organizuje Grad Sarajevo.

Nagrada se dodjeljuje trećeg četvrtka u septembru, tekuće godine.

Izuzetno, Nagrada za 2012. godinu dodijelit će se 17. oktobra 2012. godine.

Član 8.

Za realizaciju ove Odluke zadužuje se gradonačelnik Grada Sarajeva.

Član 9.

Nadzor nad provođenjem postupka dodjele vrši Služba za obrazovanje, kulturu i sport Grada Sarajeva, koja o istom izvještava gradonačelnika.

Član 10.

Izmjene i dopune ove Odluke vrše se na način i po postupku za njeno donošenje.

Član 11.

Odluka stupa na snagu narednog dana od dana objavljivanja u "Službenim novinama Kantona Sarajevo".

**PREDSJEDAVAJUĆI GRADSKOG VIJEĆA
GRADA SARAJEVA**

Prim. dr. Željko Ler

Broj:

Sarajevo, __.__. 2012. godine

